



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Restitvtio.

[urn:nbn:de:hbz:466:1-72898](#)

Sunt in Religionibus, qui post professionem ita sunt affecti, ut nollent profiteri, si res adhuc integra esset, nisi hanc vel illam libertatem, hoc vel illud officium, hunc vel illum locum putarent sibi concedendum: non tamen idcirco laxari potest illorum promissio, quae absolute facta. Idem certinatur in alijs omnibus contractibus humanis, vbi non licet penitere, etiamque quis videat se grauari contraactu, quando alias legitimè celebratus est. Nec refert quod dicat, Si tale quid sciuisse fore, noluisset me obligare, noluisset contrahere: quia talis conditio nihil ponit in re, cum non extiterit: ac proinde contractum non potest irritum reddere, qui absolute & absque eiusmodi conditione initus est.

26
Intentio
ante emis-
sionem pro-
fessionem
tripliciter
se posset ha-
berer.

Quod si habuit animum illum ab initio ante professionem seu votorum emissionem, id tripliciter fieri potuit. Primo, vt intenderit tale officium, vel commorationem in tali loco tanquam finem principalem: vt si quis tantummodo moueat desiderio Praelature, vel similis officij ad se mancipandum Religioni. Secundo, vt solum ei fuerit finis secundarius, vel potius causa sine qua non: vt si ingrediatur quidem principaliter ut Deo seruat, non ingressurus tamen, nec professionem facturus, nisi simul putaret fore ut eligatur in Priorem vel Procuratorem. Tertio, vel sub hac conditione ingressus & professus fuerit.

1. Si inten-
dat Prae-
laturam ut
finem prin-
cipalem.

Si primo modo intenderit tale quid consequi, omnium Doctorum sententia est, professionem effe ratam, ac proinde non posse absq; peccato apostasie & excommunicationis egredi, etiamque id quod intendit, non consequatur. Vide Caetanum q. 88. a. 2. Sotum lib. 7. q. 1. a. 3. dub. 1. assert. 2. Azor. lib. 11. cap. 15. dub. 3. Nauarum c. 12. n. 32. & alios. Ratio est, quia etiamque tale quid intenderit consequi in Religione, & talis intentione motus fuerit ad vouendum; tamen absolute voulit, & voulit illud quod melius est Deo: gratius, quam eius contradictorum. Voulit enim Paupertatem, Callitatem, & Obedientiam perpetuam seruare in Religione, sicuti ceteri seruant: quod fine dubio Deo gratius est, quam oppositum: & consequenter promissio eius facta Deo inducit insolubilem obligationem. Quod confirmatur à simili: Quia si quis voulret Deo aedicare templum vel monasterium, etiamque ad id moueretur vanâ gloriâ ut nomen ipsius apud omnes celebretur; tamen omnium iudicio tenetur voto, nec potest resilire, etiā intentionem illam mutare debeat. Quia quod Deo promisit, bonum est, & melius quam oppositum. Ergo similiter obligatur qui voulit Religionem eo animo ut aliquando fieret Abbas, Prior, vel Procurator.

2. Si eam
intendat
ut finem
secunda-
riam.

Hinc patet etiam obligari. Si secundo modo se habuerit in vouendo, proponendo sibi tale officium tanquam causam sine qua nollet voulere, nisi putaret se consecuturum: quia tunc ex bona intentione motus fuit ad vouendum, & iste animus non facit ullo modo ut id quod vouletur, malum sit exequi, aut minus bonum quam eius oppositum; sed est quiddam comitans actum vouendi, nullo modo ipsum votum insciens. Si enim finis principalis non reddit votum irritum, multo minus id facit finis secundarius.

3. Si eam
intendat
sub condi-
tione: id
dupliciter.

Si tertio modo se habuerit in vouendo, fieri id potuit dupliciter: Primo, vt voulret Paupertatem, Callitatem, & Obedientiam Deo, ea lege

Restitutio.

vt Religio vicissim ei promittat quod ipse facies Priorem vel Procuratorem &c. ita ut sit contractus quidam inter ipsum & Religionem: & sic debuisset mente suam Religioni explicare. Non enim potest iniri contractus, nisi vtrac pars consentiat, ac proinde utrumque debent conditiones explicari. Hoc modo quidem non teneretur, sed votum esset planè absurdum & irreligionis, & cum graui peccato fieret. Secundo, vt voulret haec, ea lege apud se statuendo ut nolit obligari nisi in eventum futurum; nempe, nisi contingenter ipsum fieri Priorem vel Procuratorem, & in eo officio continuari, ita ut si non continuetur, cesset obligatio. Hoc modo obligatio voti esset suspensa vlique ad impletionem eventus futuri, & duraret tantum durante illo eventu, & cessante eventu cessaret: quia ratio voulendi esset absurdula & impia. Accedit, quod in foro externo nunquam admitteretur qui vellet allegare se hoc animo, & hac tacita conditione voulisse: Nullus enim est qui non posset tales intentiones & praetextus allegare. Denique talis conditionis cum sit absurdula, & contra perfectionem religionis, haberetur pro non opposita.

RESTITUTIO.

CASVS I.

An quis bona fide alterum infamavit, teneatur ad restituitionem? Item, *An Superior possit condonare infamiam suo subditio faciat?*

AD PRIMUM: Respondeo, Qui bona fide procedens aliquem infamauit, non tenetur ad restituitionem, secundum Doctores, si non potest eam facere sine suo graui incommodo: si autem sine tali incommodo possit, tenetur: sicut qui damnum alteri intulit sine sua culpa graui, non tenetur compensare domino cum graui sua impensa. Ratio est, quia ille infamator non tenetur ratione iniustæ lesionis, cum non fuerit formalis iniustitia; neque ratione rei accepta, quæ neque existat, neque potest reparari sine graui incommodo.

AD SECUNDUM: Respondeo, Superior, iuxta quorundam probabilem sententiam, potest condonare infamiam illatam inferiori: præfertim si iusta causa intercedat. Alioquin verius potest condonationem non valere; quia Religiosus non cessit iuste famæ suæ, ut recte docet Nauar. Comment. 2. de Regul. n. 2.

CASVS II.

Titius differt restituitionem furti: Primo, ne Dilatio per eam fiat coniectura de auctore furti. restitu-
*Secundo, ne per hanc coniecturam (resti-
tutionem faciente Confessario) violetur
sigillum confessionis.*

QUÆRITVR, *An fiat causa sufficiens differen-
ti restituitioni?*

Respondeo, Non apparet vlla ratio cur pecunia illa non sit statim restituenda. Quia ex ipsa restituitione non magis innoteat auctore furti, quam antea innotuerat. Neque Domina illa facta restituitione, magis certa erit de auctore, quam erat cum furtum fuit commissum, vel cum Confessarius ille indicauit se posse efficere ut fiat restituatio.

Accedit,

Coniectura de auctore furti ex restituione per Confessum, non violat sigillum.

Accedit, quod Confessarius qui à peccante accipit aliquam pecuniam nomine eius restituendam, non violet illo modo sigillum confessionis illam restituendo, etiamsi persona cui sit restitutio, inde coniecturá aliquam factura sit de aucto-re: quia nemo violat sigillum faciendo id ad quod obligatur ex iustitia, modò prudenter & circum-specte id agat. Quod si inde capiat dominus rei aliquam coniecturam de auctore furti, id plànè per accidentem sequitur ex illo facto; nempe ratione alicuius circumstantiæ, vel facti quod anteà notum erat.

Neque idcirco censendus est Sacerdos illo modo violare sigillum confessionis. Qod etiam ex eo clare coniunctur: Nam obligatio restitu-tionis non oritur ex vi Sacramenti Peccantiarum, aut ex præcepto Confessionis, sed ex iure naturæ. Vnde etiamsi non esset à Christo institutum hoc Sacramentum, nihilominus auctor furti tenetur vel per se, vel per alium restituere, etiamsi inde oriretur aliqua suspicio de ipso auctore apud dominum rei. Et sicut tunc si per alium restitu-ret (v. g. per Titium Sacerdotem cui non fuit confessus) ille non censeretur violare secretum naturale, etiamsi oriretur inde suspicio de fure: ita modò dum restituit per Titium cui fuit confessus, Titius non censeretur violare secretum confessionis, etiamsi talis suspicio ex restitutione oriatur.

A simili. Idem ex alio capite Confirmatur: quia quando interuenit consensus peccantiarum, non violatur sigillum: vt quando peccantem cupit vt Confessarius conferat de casu dubio cum certo Doctore cui fidelis, tunc enim potest eum illo conferre adhibita circumspectione, etiamsi putes Doctorem coniecturum in animo de quo agatur: ergo multò magis si committatur illi restitutio facienda certe persona, potest illam facere, etiamsi persona illa coniicit auctorem: quia actio illa sit ex consensu & commissione peccantiarum.

Denique hæc restitutio non potest illo modo odiosam reddere confessionem, cum iure naturæ sit debita: ac proinde non potest censeri illo modo violatio sigilli. Omnis enim violatio sigilli odiosam reddit confessionem.

Ex quibus patet nullam probabilem cau-sam hic subesse, cur ista pecunia non debeat statim restituiri.

C A S V S III.

Acceptio pignoris ab eo qui foro cessit. Henricus foro cessit. An possum tradere credito-ri certum aliquod pignus, si solum indeter-minata pignus aliquod ante cessionem pro-miserat?

Si promis-sum pignus indetermi-natum. Respondeo, Id fieri posse, quamvis tunc non sit soluendo omnibus alijs creditoribus. Ratio est, qui anteà legitimè contractum erat, & solum dilata fuit eius traditio ex benignitate creditori, quæ ei non debet obesse. Quod autem ab initio contracta fuerit obligatio pignoris, & non tantum exacta à debitore promissio de contrahēda obligatione, quando creditor vellet, Valde credibile est: quia non solet exigi promissio de contrahenda tali obligatione in futuro: (cur enim non contrahatur in præsenti, cum nulla sit ratio differendi:) sed solum exigi promissio de tradendo pignore in futuro, quando volet credi-

tor, concelelo interim vsu pignoris ipsi debitoris traditio autem pignoris non est necessaria in foro conscientiae.

Nec refert quod ab initio pignus non fuit de-terminatum: quia potest contrahi obligatio pig-noris indeterminatæ, vt videlicet tradatur id quod volet creditor, vel quod erit iudicio boni viri sufficiens.

Sed: Quid si contractus pignoris ab initio non fuit initus, ne implicitè quidem ex intentione contrahentium; sed solum data sit promissio de cōtrahendo quando veller creditor: An tunc pos-sit certum pignus tradere?

Respondeo, Probabilius videri tale pignus posse tradi, & talem traditionem validam esse, si haec promissio acceptata fuit à creditore. Ratio est, quia debitor ex illa promissione acceptata, te-nebatur ex iustitia constitutre pignus, volente cre-ditore: ergo illud constituendo & tradendo quan-do factus est impotens, non fecit contra statutum urbis suę non gratificandi vni creditori in prædi-cium alterius. Non enim hoc est gratificari, seu gratias facere, sed ex obligatione iustitiae. Promis-sio enim acceptata in rebus magni momenti, & ex causa, inducit obligationem strictam iustitiae, quamvis ex ea non detur statim actio in foro ciuili.

Confirmatur, Quia creditor hic duplēcē habet obligationem iustitiae, nempe fideiūssionis seu impliciti mutui, & promissionis pignoris: alij au-tem tantum habent simplicem, vt supponitur in casu: ergo hic est præferendum iure naturæ, nec ilium Ius positum obstat. Sicut enim is qui ha-bet expressam hypothecam præfertur iure naturæ nullam habentibus hypothecam, cur non etiam præferatur is qui habet promissionem expressam hypothecæ obligantem ex iustitia?

Hinc sequitur, In primo & secundo casu po-tuisse creditorem illum sibi integrè ex pignore fa-tisfacere, vel accipere solutionem ab ipso debito-re, exclusis alijs creditoribus, usque ad pignoris valorem. Neque in conscientia teneri restituere donec per sententiam cogatur. Quamvis nec ipsa sententia obligaret in conscientia; quia falsa præsumptione niteretur ob defectum probationum iuridicarum.

Sed: Quid si promissio illa acceptata non fuisset? Respondeo, Non potuisse postea pignus tradi. Hoc enim Iuri communī, & statuto urbis istius repugnat: nec posset creditor ille præferri ceteris. Nam contractus ille fideiūssionis seu mutui impliciti non inducit tacitam hypothecam, nec facit priuilegium in ordine restitutio-nis; cum neque expressum mutuum gratuitum id faciat nisi in paucis casibus iure expressis. Nec usquam memini me legere Doctorem qui gratuitas presta-tiones, id est, mutationes putaret inducere tacitum pignus, aut priuilegium Prælationis.

Si promissio non fuerit acceptata. C A S V S IV. Compo-nitio facta compositione & remissio reliquo, quinvis sitio cum è creditoribus possit sollicitare & integrum eo qui debitum recuperare, sive Henricus qui prius foro cessit, postea ad ampliores fortunas perueniat, seu non perueniat?

Respondeo, Facta compositione & remissio reliquo, quemvis è creditoribus possit solli-citare

Restitutio.

citare & integrum debitum recuperare, quando is qui foro cessit, postea ad ampliores fortunas peruenit. Ratio est, quia diligentius quā creditor debitum conatur recuperare, facit Iure communi illum potiorem. Nec obstat remissio facta: quia censetur coacta, & conditionalis, nisi constet de contrario.

Idem videtur dicendum quamvis non prouenerit debitor ad fortunas ampliores; modò facta iam sit compoſitio cum omnibus, & coacta fuerit. Ratio est, quia debitum reliqua partis solutionis non fuit extinctum per illam compositionem & remissionem; sed solum consopitum, ita ut reuinisceret, quando foret solvendo. Ergo si possum illum inducere ut mihi integrè satisfaciat ante illud tempus, & ipse consentiat, non videtur ei fieri iniuria: quia volenti non fit iniuria. Neque etiam facio iniuriam alijs creditoribus: tum, quia non sum causa ne alijs soluat hoc pro rata; suppono enim quod alijs non esset soluturus etiam si ego non peterem: tum, quia diligentia me potiorem fecit Iure communi: tum, quia debitor soluens ad instantiam creditoris, non censetur gratificari. Vnde non videtur hoc repugnare Statuto Oppidi, quod vetat gratificationem; & videtur intelligendum de gratificatione qua sit ante cōpositionem; nisi aliunde constet de contrario, pro quo verba Statuti essent expendenda.

CASVS V.

Restitutio ex lucro Burſe Antuerpiensis consuetudinē & cursu, teneatur ad restituionē lucris Antverpiensis.

Pro parte affirmante, nimirum talen vel heredes eius teneri ad restituionem, esse videtur communior sententia Doctorum, quæ docet non posse quidquam accipi in mutuo, nisi ratione lucri cessantis, damni emergentis, vel periculi sortis. Atqui in huiusmodi contrac̄tu non semper interueniunt isti tituli, vel saltem non tanti estimantur, quantum cursus Burſe assignat: ergo.

Negatur.
Contractus iniquus bona fide iniustus ex eulali potest a restituione.
Pro altera tamen parte, quod non teneatur, sunt hæc argumenta. Primo, quia multorum DD. sententia est (quam etiam notavit Emanuel S. V. Restitutio) quando quis bona fide fecit aliquem contractum, qui postea deprehenditur non fuisse iustus, illum non teneri in conscientia ad restituionem, si alio titulo tantundem ab eo lucrari potuisse: v. g. per cambium, vel censum annum utrumq; redimibilem, vel per triplicem contractū cum mercatore. Nā qui quis vir bonus intendit contrahere & lucrari omni titulo iusto, qui cōtractui subest, & omni meliore modo quo potest. Atqui is qui ad Burſam dedit, potuisse tantundem lucrari ab eodem, si dixisset, Nolo dare ad Burſam, sed dabo ad cambium. Ergo non tenetur restituere. Idem videtur sentire Gregorius à Valentia.

Secundò, quando quis ex inculpata ignorantia fecit contractum iniustum de re mobili, probabile est, si bona fide triennio possederit, nasci prescriptionem seu fluctuationem, que rem faciat suā, & non teneatur ad restituionem. Ita Ioannes Medina q. 17. Cod. de Restituione, & fauet Couarruicias Regula Professor p. 2. §. 7. n. 6. & Molina Iureconsultus l. 2. de Primogen. cap. 6. n. 69.

Atqui contractus Burſa est de re mobili, quid pecuniarior: ergo.

Tertiò, quia hanc sententiam debent admittere omnes, qui admittunt cambia prout sunt in vsl. **Mercato.** Omnia enim cambia cō plus lucrantur, quod longius est tempus solutionis: cuius non est alia ratio, quā quod communi mercatorum iudicio concurrentibus circumstantijs qua ordinariē concurre solent, carentia pecunia cō pluris astimet, quod est diutinius. Quod si mercatores possint hoc modo pretia cambiorum statuere, cur non etiam pretia Burſa? Vnde etiam huic sententia aperte fauet Molina disp. 404. §. Timoratus, vbi docet, pretium quod cōmuniter statuunt mercatores pro cambio secundū longius vel breuius tempus nundinarum, cēlendum esse iustū.

Ob hæc argumenta iste vsl Burſe, qui est Antwerpiz inter mercatores, nō videtur damnandus, modò constitutionem Caroli V. non excedant. Et consequenter heredes eorum qui tales contractus fecerint, non videntur in rigore teneri ad restituionem. Vnde mercatores a quibus heredes ad sopiaendos scrupulos & causā tranquillitatis conscientiæ, petunt remissionem, non debent se præbere difficultes. Non enim constat illis coram Deo quidquam deberi. Quia ergo conscientia volunt sibi restitui, maximē cū ipsimet huiusmodi contractus faciant? Vnde præter inhumanitatē, seipso manifeste redargunt iniustitiae: Si enim isti contractus sint iniusti, quomodo ipsi eos faciunt? Si verò putant iustos, quā conscientiā volunt sibi restitui?

Quia tamē neutra ex parte res est satis liquida, optimum consilium iudico vt tale lucrum expendatur in pias causas, in bonum eius ad quem Deus nouit pertinere: vt si inde aliquid debebat restitui, Deus illud acceptet pro salute animæ & bonis successibus creditoris. Si verò nihil erat restituendum, heredi & parentibus illius profit. De hoc casu vide pluralib. 2. de Iustit. cap. 20. dub. 14. & hic suprà V. Mutuum, Casu 3.

CASVS VI.

Puer oves, vaccas & animalia totius pagi custodiunt: Hec duclu vel permisso ipsius iuvenile agris vicinis damna aliquot centeniorum florenorum spatio duodecim annorum. Sed toto eō tempore non sciebat se pecare hoc faciendo. Posterioribus tamen annis eis sciret se male facere, tamen non curabat. Hic iam est virginii quinque annorum, & legato, vel aliter acquisiuit aliquot centenarios florenos.

QVÆRITVR, An ex suo teneatur restituere damna in pueritia illata per animalia male per ipsum ducta vel custodia?

REspondeo, Nō tenetur de damnis illatis toto eo tempore quo ignorabat se male facere, ista permittendo. Quia non tenetur ratione rei accepta, cūm non sit inde factus dicitur: nec ratione iniuste exceptionis, cūm ignorauerit se male facere. Sed difficile creditu est fuisse ignorantiam.

De posterioribus tamen damnis tenetur. Quia ex officio tenebatur cauere ne animalia ista dampnum inferrent. Nec refert, quod hoc cesserit in commo-

commodum eorum, quorum erant animalia, & ita ipsi teneantur tanquam inde facti ditiones: tū, quia damnum longē maius est, quām cōmodum, ut quando vastant segetes; tum, quia sēpē nullum est commodum, vel certē nullius monenti. Adde, etiam mancipium & Religiosum ex dōno dato culpā suā teneri naturaliter & in conscientia, et si non ciuitate.

*Tituli
excusantes
ad restitu-
tione.*

Possit tamen excusari, si domini, quibus illata dama, conferentur à tali non petere restitutio; vt si essent ex ijs quorū erant illa pecora: item, si essent ignoti: si eorum hereditas in multis diuisa, ita ut singulis parū deberetur: si non fuit latā culpa quę sub peccato mortali obligaret, iuxta multos Doctores: item si propter ea punitus fuisset. Denique si ipse sit pauper secundū suam cōditionem, non tenet statim restituere, sed potest ducere vxorem & dare operam ut sensim restitutio fiat, vel condonatio obtineatur.

CASVS VII.

*Restitu-
tio ex
prodito
thesau-
ro alieno.*

*Miles in depopulatione urbis inuadens domū meam, petit sibi ostendit thesaurum in eare-
conditum, in qua, quod miles nescit, bona
Cai sunt deposita & abscondita. Ego mortis
metu coactus, ostendo bona Cai, non mea.*

QVÆRITVR, An teneat Caio restituere?

13

*S*i miles, obiecto mortis metu, iubeat sibi ostendi thesaurum alienum, possim ostendere: & si dixerim, Ibi est, accipe; non ideo teneor ad restitutio; si exquē bēnē erat accepturus: quia ista vox non est causa damni.

Si iubeat sibi ostendit thesaurum meum, & ego illi ostendam alienum tanquam meum; teneor ad restitutio. Ratio est, quia censor illum, proposito obiecto inducere ut accipiat alienum, cū antea non habetur voluntatem determinatam: vnde muto ipsius voluntatem, adeoque teneor; si cut teherer si exp̄ressem dicerem, Relinque meum thesaurum, ostendam tibi thesaurum Petri.

Si tamen miles diceret: Ostende milii thesaurum Petri, alioquin accipiam tuum; possim ostendere; quia iam est in illo voluntas determinata accipiendi thesaurum Petri. Vnde ostendendo, non induco illum, sed solū facio opus de se indifferens: non enim cum tanto meo damno teneor rē illam non pandere.

Si miles iubeat ostendit omnem thesaurum in hac domo reconditum, possim ostendere alienum ibidem reconditum, tacito meo; & dicere, Nullū esse amplius. Ratio est, quia iam est determinatus ad omnem auferendum; & ego non magis teneor ostendere meum, quām alienum. Hęc videtur fuisse mens istius militis in depopulatione urbis.

CASVS VIII.

*Restitu-
tio ex re-
male dis-
pensata.*

*Titius administrator bonorum sui Principis,
consumpsit decem millia florenorum in iti-
neribus & negotiis sui domini consciendis
cū sufficerent mille.*

QVÆRITVR, An teneatur, ad restitutio?

14

*R*espondeo, De Titio administratore bono-
rum illius Principis, qui decem millia flo-
renorum consumpsit in itineribus & negotiis do-

mini sui consciendis, cūm mille abundē suffice-
rent: non videtur dubitandum quin teneatur ad
restitutio; nisi re vera dominus condonet.
Quia hoc non est administrare bona sui domini,
sed dissipare. Tenetur enim ea prudenter & bona
fide administrare. Credibile est illum excessum
versum in rem Titij, et si dicat expensum in itine-
ribus. Habet hęc locum parabola Euangelica de
villico, qui dissipatus est apud dominum suum, *vilius in-*
quiatis. quasi dissipasset bona illius, qui haud dubie tene-
batur ad restitutio. Neque ut dominus cen-
teatur tam immenam sumam condonare, sufficit
quod Titium valde charum habuerit, & quod
Titius minus forte fraudis fecerit quām priores
administri, &c. vt per se constat. Itaque puto illū
obligandum, nisi obtineat condonationem. Si ve-
rē intendit in omnibus utilitatem sui domini, sed
peccauit solū excessu v. g. accipiendo comitatiū
militarem ingentem, vbi exiguis sufficiebat, &c.
& non conuertit illa in rem suam, cur domino
suo non aperuit, & petiit condonationem? Deni-
que nisi plura & certiora signa condonationis ap-
pareant, non ausim excusare.

CASVS IX.

*Titius habens mandatum à Caio ut Parisijs
tio ex ti-
em merces pro Caio, ijs vili pretio emptis, bi
cōmisi-
tanquam insitior Parisiensis vendit easdem sa
tione.*

QVÆRITVR, An teneatur ad restitutio?

*R*espondeo, Certū est Titū teneri ad restitutio-
nem. Quia cū damno mandantis fecit
contra mandatum: mandatū enim ei est ut Parisijs
à mercatoribus & insitioribus Parisiensis eme-
ret merces pro Caio: at ille inueniens illas merces
Parisijs emi vili pretio, emit sibi eas, vt ipse tan-
quam insitior Parisiensis vendat easdem Caio pre-
tio maiore. Itaque decipit Caium, persuadens illi
tanti tales merces Parisijs constare.

CASVS X.

*Plures deputati. V. G. tres vel quatuor ad ca-
piendas informationes alicuius negotiū, com-
mittunt examen vni, eiusque iudicio ipsi
subscribunt.*

QVÆRITVR, An singuli possint statuta stipen-
dia recipere?

*R*espondeo. Videndū est an illi tres vel quatuor de-
putati ad capiendas informationes illius ne-
gotiū, satis facient intentioni eorū, quorū voluntate
& auctoritate deputantur, si vnu solus negotiū
examinet, alijs absentibus & nihil agentibus; sed
solū subscriptibentibus indicio vnius, qui negotiū
examinavit. Si enim satisfacti illorum menti,
possunt stipendia statuta recipere. Si non sati-
faciunt, sed agunt contrā illorum mentem; non
video quomodo possint illa stipendia integra re-
cipere, cū officium impositum non praestiterint.
Longē solidior est informatio capta à pluribus
sive iunctim, sive separatim, quām ab uno. Faci-
lius vni, quām pluribus imponitur. Plura vident
multi, quām vnu solus. Facilius etiam vnu cor-
ruptitur, quām plures &c.

CASVS

*Vero simi-
libus ne-
gatur.*

Restitu-
tio lucri
ex com-
missa tibi
follicita-
tione.

CASVS XI.
*Titius sollicitator pecunias accepit ut Caio of-
ficium procuraret.*

QVÆRITVR, *An Titius posset illas pecunias
retinere si gratia hoc beneficium Caio pro-
curaverit? Item, An posset plus accipere à suo
cliente, quā Iure sit sollicitatoribus sta-
tutum?*

17

Ad Primum. Respondeo, Sollicitator, qui pecunias accepit, ut alteri officiū procuraret, potest illas pecunias ex quādām retinere, si in gratiam ipsius officiū clienti datum est; quia gratiam suam apud amicos expendit, eoque fauore impetravit, pro quo fauore allicio, alter pecuniā obtulit. Vnde eo nomine manet illis obstrictus: quanquam fortasse amici illi agrē ferrent, si hoc scirent; eō quod contrahant opinionem apud clientem, quod per fides & munera dent officia.

18

Ad Secundum: Respondeo, Sollicitator nō potest accipere à suo cliente amplius, quā Iure sit statutum; nisi maiores labores subierit, quā ordinariē sit consuetum. Nam quod Iure statutum est, censetur stipendium, & quasi pretium legitimum; nisi forte longā consuetudine id non serueretur: nā consuetudo Ius abrogat.

CASVS XII.

Restitu-
tio lucri
ex com-
missa tibi
venditio
ne redi-
tūs.

*Titius Brugis habet redditum 27. florenorum
annuorum nummo 18. difficilis solutionis.
Commitit Caio & Sempronio ut illum ven-
dant, & quidquid obtinere poterunt ultra
400. florenos & 8. pensiones annuas ex re-
trocessis, sū ipsorum. Dum hac aguntur iam
redditus ille, vñācām agro in quo fundatus
erat, translatus erat in alium virum bonum
& facilem, ignorante Titio. Hunc adeunt
iſi duo quibus venditio commissa, & facile
ab illo obtinent redempcionem cum solutio-
ne annuorum præteriorum: ita vi supra sum-
mam à Titio expressam singulis obnuerint
8. libra flandrica.*

QVÆRITVR, *An posset retinere?*

19

Respondeo, Non videntur posse retinere. Pri-
mo, quia ipsi commissa solum venditio ad
quā requiriatur industria quæ meretur mercede. Atqui hīc nō est venditio, sed pura redemptio,
in qua nulla vel parua extitit industria. Terminī
autem in huiusmodi mandatis strictè accipiendo
iuxta mentem mandantis. Secundō, quia non erat
mens Titij committere venditionem Caio, nisi
supposito priori statu rei, qui status erat tota ratio
cur vellet alienare. Vnde cūm status rei esset mu-
tatus, tenebatur mandatarius monere mandan-
tem, an vellet ipsum procedere ad venditionem;
quod cūm non fecerit, egit contra officium suum.
Mandatarius enim tenetur agere iuxta expressam
vel tacitam intentionem mandantis, & utiliter
eius negotium gerere, & sic exigere mercedem
constitutam. Vnde non puto illum posse in hoc
casu plus exigere vel retinere, quā estimatio
opera ab ipso prædicta valeat.

*Mandata-
rius nō po-
teſt agere
viſu ex ta-
gina veſca
preſta in
intentione
mandantis.*

CASVS XIII.

Restitu-
tio lucri
ex com-
missa tibi
venditio
ne redi-
tūs.

*Titius habens redditum octo librarum flandri-
carum super agro cuiusdam nobilis, cuīs
difficilis solutio: dixit Caio, Vende mihi
hunc redditum, & quidquid supra 400. flo-
renos, & 8. annos pensionum obtinere pote-
ris, tuum erit. Acceptat Caius. Sed ante-
quam expediatur in Curia procuratorum
venditionis, deprehendit Caius agrum esse
venditum, & redditum refusa sorte cum pen-
sionibus in manus magistratus dissolutum.
Caius hoc videns non monet ea de re Titij,
sed solum indicat redditum illum constitutum
nummo 18. non 16. Rescribit Titius se om-
nia ratum habitum quā ille fecerit. Itaque
Caius perinde ac si vendidisset redditum cum
pensionibꝫ, mittit Titio 928. florenos, nem-
pe 400, & 11. annos pensionum.*

QVÆRITVR, *An posset reliquum retinere?*

Respondeo, Non posse: quia non accepit illam
pecuniā ex venditione: nec induxit dominum
agri vt redimeret; nec aliiquid omnino egit
vt illa refusio sortis fieret. Solum autem erat ei
data commissio vendendi, & accipiendo quidquid
supra 400. florenos, & pensiones 8. annorum ex
illa venditione proueniret. Hic autem nec vlla
venditio ipsius operā facta est, nec quidquam ex
venditione prouenit. Vnde illa pecunia magistrati
numerata, statim cescit in dominium Titij: nec
Caius vllum ius in illam aut partem eius habet;
sed solum potest exigere aliiquid pro labore, si quē
subiicit &c. Neque Titius putandus est tantam
summam donare, nisi re totā intellectā illud de-
claret. Quis enim præsumatur donare gratis 600.
vel 700. florenos, ei qui nihil opera præstít?
Neque refert siue illa refusio sortis & pensionum
facta sit ante procuratorum expeditum, siue post,
quandoquidem Caius nihil ad hoc opera contulerit.
Alia esset ratio si redditum illum ipsem et
emissem à Titio: tunc enim distinctio illa posset
locum habere, & videndum esset an emptio facta
sit ante refusione, an post.

CASVS XIV.

Respondeo, Gubernator Dunckeranus, ortā inter eum &
Anglos coniurā, fisco addicit merces
Anglicanas Dunckerā existentes. Simi-
liter Regina Anglia fisco addicit merces
Titi Dunckerani in Anglia existentes.

QVÆRITVR, *An Gubernator Dunckeranus
teneatur Titio de damno mercium eius in
Anglia confiscatarum?*

Respondeo, Duobus modis potuit Guberna-
tor illā confiscatione mercium Anglicarum
dedisse Titio causam damni iniustē: Primo, si il-
lum præcipitanter fecit; non missis prius vltro ci-
troque litteris vel nuntijs ad rem componendam;
sic enim videtur occasiōem dedisse Reginae con-
fiscandi bona Titij. Secundō, si ita occulte illam
confiscationem fecit, vt non potuerit commodē
venire

venire ad notitiam aliorum mercatorum, ut possent sibi cauere. Dum enim Princeps talia vulnificata, tenetur subditos monere per edictum, ut sibi caueant: alioquin est illis causa damni, & tenetur ad restitutionem.

C A S V S . X V .

Restitu-
tio ex
omissa
delatione
reorum
ad fiscū.

Carolus Officialis arari Regij adeundo officio iuravit se omni modo curaturum utilitatem Principi, & eiusdem damna auersorum: præterea, quantum in ipso erit, effecturum vel placita & decreta Principis obseruentur, inter quæ unum est, ne mercatores maius interesse recipiant quam 12. in 100 idque sub gravi pena. Ipse autem Carolus egenus pecunia in obsequium Principis, accepit a mercatore Antuerpiensi pecunias sub tali interesse.

QUÆRITVR Primo, An Carolus vi hiūs iuramenti teneatur deferre cinem vel mercatorem quem occulē nouit, hic prævaricari. & si non detulerit, teneatur fisco de domno?

QUÆRITVR Secundo, An posset illum mercatorem Antuerpiensem arte aliqua excusare, ne vi reus a fisco deprehendatur & multetur?

Ad Primum: Respondeo, Carolum, ex eo quod sit officialis Principis, & tale iurandum fecerit, non teneri deferre ciuc vel mercatores, quæ occulte nouit facitare vslas, etiamq; inde commodum confisationis Principi obuenient. Ratio est, quia hoc est proprium munus Promotoris fiscalis, & eorum qui ex peculiari officio tenentur commoda fisci procurare: quamvis nec hos putem ex iustitia, sed solum religione iurisrandi ad hoc teneri vt inde fiscus diteret.

Nec obstat quod Carolus iurauerit se procuraturum commoda Principis, & occursum damnis eiudem, & curaturum vt decreta eiusdem & mandata seruentur: quia non videtur hoc ita generaliter intelligendum. (alioquin omnes Officialis æquè ad eadem obligarentur) sed secundum conditionem officii, & in ijs quæ officium cuiusque propriè concernunt. Hinc consequens est, quod non teneatur fisco de domno.

Ad Secundum: Respondeo, Carolum non teneri accusare mercatorem illum Antuerpiensem cum quo contraxit, cō quod ipse supra taxam pragmaticæ, Principis nomine intereste exegerit. Primo, Quia non videretur vsls bona fide, petendo ab illo pecuniā mutuam, & consentiendo in tale interesse. Secundo, Quia id posset cedere in damnum Principis, si alijs opus esset pecunia. Tertio, Quia mercatores dicunt illam pragmaticā de non accipiendo nomine interesse 12. pro 100, non esse iam plurimis annis in vsl, & contraria consuetudine esse abrogatam: vnde non esse illius habendam rationē. ita mihi ante aliquot annos responderunt. Quod si verum est, non solum Carolus non teneretur curare mercatorem illum Antuerpiensem multari, sed etiam posset eum tueri, si contingeret eum deferri. Quod si non est verum, non posset eum tueri si ab alio deferretur, nisi id putaret pertinere ad obsequium Principis; vt si metueret se alijs pecuniā ab illo, vel alijs non obtenturum, nisi eum tueretur.

S I M O N I A .

C A S V S . I .

Beneficiū
mīhi ab
altero
pro
simoniā
obtentū.

Tiūs beneficium simoniācē obtinuit per ignora-
niam simoniā ab alio commissa in eius fa-
uorem.

QUÆRITVR, An teneatur restituere fructus extantes: & quodnam illi à Iure remedium?

Respondeo. Qui beneficium simoniācē obtinuit per ignorantiam simoniā ab alio commissa in eius favorem, quādū lūt in illa ignorantia seu ignorans bōnā fīsē, non teneatur restituere fructus non extantes, quibus non est factus diutor: Sed quādū tēntū sc̄uerit, teneatur restituere fructus extantes, vel compонere cum Pontifice.

Quod si bene functus si officio, & fructus non superent ipsum officium, vt si beneficium erat tēne, vt Canonicius 150. vel 200. florēnorū, probabile est Episcopū dispensare posse vt fructus extantes retineat; maxime si difficilis esset ad Pontificem aditus propter sumptus &c. Secundo teneatur beneficium resignare in manus Episcopi, si ipse est collator, qui poterit de integro illi collationē facere. Similiter in manus Capituli, si Capitulum ius cōferendi habeat. Hac omnia facile ex Iure probari possunt, vt Cap. penult. de Electio-
ne. & Cap. Ex infimātione, de Simonia.

Si autem sc̄iuī alterū simoniācē p̄ se pacisci, vel certe sc̄ire potuit & debuit, aut postea sc̄iens rētē fīsē, nō potest ab Episcopo vel alio collatore rehabilitari, sed eget rehabilitationē Papæ, si alij fīsē. ut patet ex iſdē locis, adiuncta Glossa: & teneatur restituere fructus etiam non extantes, quantum commode potest; (non enim teneatur se in extremā inopiam coniūcere:) vel teneatur compositionē facere cum Pontifice, vel Nuntio Apostolico.

C A S V S . II .

Tiūs Parochus obligat se ad permutationem Pastoratus cum Catoratione seruitij à Caio fīcij ratio-
p̄ stāndi, addita hac conditione, Si Pontifex ne serui-
tij pre-
consenserit.

QUÆRITVR, Virū in hoc contractu sit simonia?

Respondeo, Omnino in hoc contractu vide-
tur esse simonia: quia ille Parochus obligat
se ad permutationem Pastoratus cum alio, ratione
seruitij p̄ stāndi ab altero, & illa permutatione est
veluti pars stipendi: vt si Episcopus dicat alicui,
Seruias mihi duos annos, dabo tibi centum flore-
nos, & præterea beneficium si contingit vacare.
Nec refert quod dixerit, Ea spe innixus: nam sic
se p̄ consueverunt obligationem exprimere. Non
est hæc tamen simonia confidentia, vt patet ex 4.
speciebus huius simoniae, in Bulla Pij V. enumera-
tis, sed alia inducens penas Iuris ordinarias si
vtrimeque completa fuerit, id est, si seruitum sit
præstatum, & permutatione promissa sit secura.

Adverte tamen, Si per illa verba, Ea spe in-
nixus &c, non intendit se obligare, sed solum bo-
nam spē dare se hoc facturum amicitia & grati-
tudinis causā, non esse simoniā in foro conscientia.
Nec refert quod velit pensionem seruare,
quia conditio addita, si Pontifex consenserit, spe-
ciem simoniae abstergit.